

آنادولو مجوسى

صافى : ۵

ملى بايرامز	نجيب عاصم
فيخته و مجادله لرى	محمد امين
توركلرو موغولار	علمى ضيا
الله ، بن ، روزگار ، آيدىناق	نجيب فاضل
ملت مسئلهسى	ضياء الدين نغرى
آنادولو اقليتى	ابراهيم هقى
خلق آدينامره دائر نوطلر	محمد خالد
آنادولو چوققلىرىنه	اسماعيل نامى
فاوست مدينىتك غرونى	رشاد شمس الدين
آنادولونك فنجى	ملكه بنى شاپيل
آيك ايلرى : بر مصاحبه مناسبتيه	

ناشرى : آنادولو قومانييت نشرىات شركتى

استانبول

تاسىس قىلىنغان
۱۳۴۰

تاسىس قىلىنغان ۱۳۴۰


۱۳۴۰

علمی و تاریخی برتلقینک آتشی بر ایمان ایله اقرار و تصدیقندن سوکرا وجوده کله جکدر . بشری محبتک مسعود بر صورتده تحقیق ، انسانی بر عنیت دیمکدر . بویه برشی ایسه کندی ایچنه کیرن ضدیتلرک قوتلی و شعورلی اولسی نسبتنده قیمت اکتساب ایده جکدر . بونی تأمین ایچون ملت پروغرامنی تعین ایده جک ، عملی مینالره ابتنا ایتدیره جک عالملرک ، سوکرا اونی سیاسی و حقوقی فورموللره ادخال ایله یه جک واضع قانونلرک ملی تاریخمیزک عرض ایتدیکمز خصوصیتنی نظر دفته آلملری لازمدر . یعنی ملی وطنک ، ملی اراضینک دولت و وطنندن ، دولت اراضیسندن باشقه اولدیغنی ، خلاصه ، ملی یوردک ئوز و مستملکه قسملرندن عبارت اولدیغنی دوشونمیلدرلر .

ملی واقعه نك نورمال بر اجتماعی حادثه کبی انتشار و تعممی ایچون الزم اولان قوتی ده بو طرزده تأمین ایتش اولورز . فی الحقیقه انتشار ایچون شرط اولان مرکزک کمی و کیفی قوتی انتشارک اهمیت و قدرتی تریید ایده جکدر . محیط نه قدر توسع ایدرسه ایتسون ، ثورک کبی دوعقی ، تورک کبی دوشونمک ایستینلر نه قدر چوغالیرسه چوغالسون ، خلاصه عن مرکز جریانلر نه قدر آرتارسه آرتسون مرکزی نوه دائماً الی مرکزیتی تأمین و محافظه ایده جک ، بوندن سوکرا ضیا بکک عن مرکزیت اطرافنده کی اندیشه لرینه ده محل قالمیه جقدر .

تاریخمیزک و بونک اوزرینه مستند ملی بر اجتماعیاتک تماماً تدوین و تأسیسندن سوکرا بونقطه لر ده ا واضح بر صورتده آکلاشیله بیلیر . بز شیمیدیلک کونک دیدی قودیلرندن اوزاق قالغه چالیشه رق ملت مسئله سنی ممکن مرتبه علمی و معطالره مستند بر شکلده موضوع بحث ایتمه کچالیشدق . ایلریده صره سی کلدکجه بوبخه تکرار عودت ایدیله جکدر .

ضیاء الدین فخری



آنادولو اقلیمی

— مابعد —

اورته آنادولو اقلیمی ناهمبسی . — ایچ آنادولو هر طرفدن طاغیر ایله محصور وسطی اوله رق ۸۰۰ - ۱۲۰۰ متره ارتفاعنده بیضی الشکل قاپالی بزیا یلادر . بو قوجه یا یلا شمالدن ،

همراه‌دهن بدأ ایله تقریباً غرب - شرق استقامتمنده تمادی ایدن غربی قاره دکر طاغری ؛ غربدن ، جنوب شرقی - شمال - غرب استقامتمنده برقوس وجوده کتیرمک اوزره صیرالانمش کیشیش طاغی ، اگری کوز طاغی ، آق طاغ (کدوس جوارنده) ، مراد طاغی ، آق طاغ (دینار جوارنده) امیر طاغی ، سلطان طاغی ، حیدر طاغی جنوبدن طوروسلر ؛ شمال شرقی و شرقی جهتندن آنتی طوروسلر و شرقی آنادولو طوروسلری ایله محاطدر . (قاره دکر طاغری ایله طوروسلرک شرقده برشدیکی محل قزیل ویشیل ابرق مئبلرینه واوزون یایلايه تقابل ایدر) . بالخاصه شرقی ، جنوب و شمال جهتلرندن یوکسک دیوارلرله چوریلش اولان آنادولو اورتیه یایلاسنه آنجیق غرب جهتندن آطه‌لر دکرینک صوقولدیغی و طولانی وادیلرله امتداد ایتدیکی ، بوبوک و کوچوک مندرهس ، کدوس الخ کبی نهرلرک کچدیکی منهدم محللری تعقیماً مشکلا تئرجه کیرمک تمکندر .

ذکر ایدیلن مورفولوژی اوصافی حائر بولونان ایچ آنادولونک اقلیمی اساس اعتبارله اسپانیا «مه‌سه‌تا» سی [*] اقلیمه بکزه‌ر . ایچ آنادولو اقلیمی قیشلری پک سرت فقط شرقی آنادولوده اولدیغی کبی اوزون دکل (شدتلی طوکلر ، قار) یازین سایی آجیق ، هوایی یابس ، حرارت شمس ایله کوندوزلری پک صیجاق فقط کیجه‌لری سرین بوسبیدن سخونت وسطیه‌سی آشاغی و بالخاصه یایلا اورتیه‌سندره ترسبات جویه مقداری جزئی اولان اولان بری براقلم انودجی عرض ایدر . طاغلق مملکتلرده اولدیغی کبی قیش موسمی سخونی بوزاده‌ده پک مختلفدر . دکر سویه‌سندن عینی ارتفاعده بولونان وادیده‌کی بر موقع قیش موسمنده سخونی ایله یایلا اوستنده بولونان دیگر بر محلك سخونی آراسنده پک بوبوک فرقلر واردر . وادیلرده سخونت اکثریا یایلالردن چوق آشاغی دوشر : صوغوق هوا وادیده بریکیر حالبوکه یایلا اوستنده طاغ تپه‌سندره هوا جریانلرله تبدله معروضدر .

ایچ آنادولونک محور اقلیمی ایلك بهار کلنجه یایلا داخلنک صوك درجه ایصینمش اولسی و قیش موسمنده ایسه یاریم آطه‌ی احاطه ایدن دکرلره نظراً داخلک اولدجه دون برسخته ماناک بولونسی خصوصی تشکیل ایدر . ایلك بهار کلنجه آنادولو اورتیه یایلاسنک چوق ایصینمش اولسی . کندینه مخصوص برسیقلون ساحه‌سی مرکزی وجوده کتیر بر . دکرلردن بودون تضیق محله طوغری روزکارلر هجوم ایدر . قارلری یالایان راطب روزکار طاغله‌لری یایلائی چپ چوره احاطه ایدن طاغله‌ر طولایتیه یوکسکلمک مجبوریتنده قالدیغندن ، تکائف ایدرک صوبخاری ترسبات شکلنده اورالرده براقیر . او حالده‌که آنادولو داخلته کیرن دکرک راطب روزکارلری تدریجاً قورو روزکارلره انقلاب ایدر . قاعدهٔ ساحلین داخله طوغری کیدلنجه عوارضک روزکارلره کوستردیکی مانعت نسبتنده ترسبات قدمه قدمه آزالیر . یالکنز یایلا داخلنده یوکسکلن پک مرتفع مناطق ترسبات آطه‌جقلری وجوده کتیرمک صورتیه قاعده‌ی اخلا ایدرلر . بورالرده قارلر و یاغمورلر بچوقدر .

آنادولو اورتیه یایلاسی یوقاریده ذکر ایدلیکی وجه اوزره هرجهتندن دکرلرله عینی صورته قاپلی بولوندیغندن دکرک قابلیت رطوبیه‌سنه و یایلائی احاطه ایدن طاغله‌رک وضعینه کوره ایچ آنادولوده ترسبات یریر دکیشر . جنوب غربیده آطه‌لر دکرینک و شرقی آق دکرک راطب

[*] ایبه‌ریا شبه جزیره‌سندره مثلك الشكل مرکزی یایلايه ویریلن اسمر .

روزکارلی طولانی منهدم اووالر مجرالری تعقیب ایدهرک ایچ آنادولونک اوزاق یرلرینه قدر سوقولور . حالبوکه یایلانک شمال و جنوب جهتلرنده کی طاغلرده روزکارلرک مروریته مساعد قانالار ، کیدلر نسبة آزدر . باخصوص طوروسلر جهتلدن یایلا هان هان قابالیدر . بوسیدن آفیون واسکیشهر حوالیسی اولدجه یوکسک ترسیاته وداثما تازه ویشیل برچهره عرض ایدن چاللیق سته پاره مالک اولدینی حالده آق دکز ساحلنه اولدجه یاقین بولونان قره مان وقونیه اووالری تورکیه نك هان اك یابس منطقه لرندن معدوددر . (ترسیات سنوی ۲۰۰ میلتره بی تجاوز اغز) وینه بوسیدن آنادولو اورته یایلاسنک چوق یاغمورلو نسبة آز قابالی شمال قسیمی تأثیرینی آز یاغمورلی جنوبه قدر کوستیرر . یایلا داخلنک قسم کلیمسده بالخاصه شمال وشرق قسملرنده ترسیات ۳۵۰ ایله ۲۰۰ میلتره آراسنده تخالف ایتدیکی حالده قونیه اوواسنده بومقدار ۱۸۰ میلتره به قدر اینر .

یاغمور مقدارینک آزلغنه رغماً اسکیشهر ، آفیون جوارنده آنقره و سیواس ولایتلی جهتلده یایلا ، جنوب قسمنده (قونیه اوواسی) تصادف ایدیلن حزن آور ، صحرای منظره کی برچهره عرض ایتز . چونکه ایچ آنادولونک بوقسملرنده مثمر یاغمورلر اکثریا ایلک بهارده دوشر ، یعنی اکثریا نباتک محتاج بولوندینی زماندن نه اول نه ده صوکرا ، تام موسمنده نزول ایدر . بناءً علیه غایت واسع ساحله یایلمش اولان صرعالر حتی چایرلر قیش یاغمورلرینه معروض بولونان بحر سفید اقلیمی منطقه سندن بولوندینی حالده بوراده بولونور . یوقاریده ذکر ایتدیگمز منطقه لرده ایلک بهار یاغمورلری بکلین حیوانات صنئی برصورته اوزا واسقایه حاجت قالمه دن یشیر . الجزیره بوز قیرلیله اورته آنادولو اقلیمی آراسنده اساسلی فرق بودر . بو اعتبارله آنادولو اورته بابلاسی حیوانات زرعه نك مساعد بر منطقه در . آنادولو کویونسی - یوکسک و صوغوق یایلالر مستثنا - یاز قورقلری باشلامه دن اول محصولی ادراک ایدر . یاز بدایتده اورته یایلانک ایرماق ودره لری قوروماز . بوده یابس منطقه نك شایان قید استثنائی حاللرندن بریدر . ایلک بهار یاغمور موسمندن باشقه برده تالی یاغمور موسمی واردر . یایلانک غرب و جنوب قسملرنده بوموسم صوک بهار موسمنه ویشیل قسمنده ایسه دها زیاده قیش بدایتنه اصابت ایدر . یاز موسمنده کوندوزلری پک صیجاق فقط کیجه لری سیرن ، قیش موسمنده پک صوغوق فقط نسبة یابس بولونان آنادولو اقلیمی الجزیره و عراق اقلیمی کی اویشدورچی دکل قامچیلایچی بر اقلیمدر .

اورته آنادولو یایلاسنک قیلری جوار بولوندینی اقلیم منطقه لریله برانتقال ساحسی وجوده کتیرر . قیزیل ویشیل ایرمق منبع لرنده اوزون یایلا ایله شرقی آنادولو اقلیمته (یوکسک یایلا اقلیمی) کیدلریکی کی صولو اووا (مرزیفون) و قسطمونی ولایتی ایله ده قارا دکز اقلیمته ، غربده اسکیشهر - آفیون و کولر منطقه سی (اکردیر ، آق شهر الخ کولاری) ایله ده تدریجاً بحر سفید اقلیمته انتقال ایدیلر .

قاره دکز ساحلندن ایچ آنادولویه طوغری ترسیات پک چاپوق تناقص ایدر : صامسون ۷۳۰ ، مرزیفون ۴۴۰ ، آنقره ۲۳۶ ، قونیه ۱۸۰ میلتره .

ولو پک جزئی بر مدت ایچون اولسون منطقه داخلنده رصدات جویه سی اجرا ایدلمش بعض مواقعک وسطیلرینی کوسترر جدول :

اسانی مواقع	سویہ بھردن ارتفاع		سخونت ونسطیری				ترسبات وسطیری میلترہ			
	مترہ	قاج سنہ رصدات یا بیلدوت	قیش	ایلاک بہار	یاز	صوک بہار	قیش	ایلاک بہار	یاز	صوک بہار
اسکیشہر	۷۹۲	۲	۲,۲-	۵,۴	۲۲,۸	۱۰	۵۸	۱۲۲	۴۱	۵۱
آفیون	۱۰۰۶	۲	۲,۵	۱۰	۱۹,۱	۱۱,۳	۱۰۹	۱۷۴	۵۸	۱۰۸
آنقرہ	۸۵۰	۲	۲,۶-	۸	۲۳	۲۲ [**]	۵۹	۹۸	۴۶	۳۳
سیواس	۱۲۸۰	۴	۱,۲-	۸	۱۷,۵	۱۱,۸	۱۲۰	۱۷۰	۴۲	۱۰۰
مرزیفون	۷۵۱	۱۴	۰,۸	۹,۸	۱۸,۹	۱۱,۷	۸۱	۱۵۶	۹۵	۹۳
قونیہ	۱۰۳۴	۲	۰,۲-	۱۰	۱۹,۳	۱۱,۷	—	—	—	—

[**] سخونت رصداتی مع الارتفاع اون آیلقدر . مایس وحزیران آییری ناقصدر .

صوک کلہ چک نسخہ دہ دارالفنون طبیعی جوغرافیا معلی

ابراہیم حق

❦	انادولو ادبیاتی	❦
---	-----------------	---

تصوفی فنون ادبیات مزہ دائرہ نوطر

[مابعد]

تصوف حقندہ ویردیکمز بو تفصیلاتدن صوکر ، بوتون متصوفلرله برابر یونس
 آمرەنک اثرلرینی واونده مجازی افادہ ایله سویلہن حقیقتلری قولایجه کشف ایتک
 ممکندر . صرف مسلکی تفہیم و تلقین ایچون یازان ، یازارکن هیچ بر صنعت اندیشه سیله
 مقید اولمایان یونس آمرەنک ائرنده خلق ادبیاتمزک سچیہ سی آرارکن اونده ابتدا ،
 صرف تعلیمی ، تہذیبی ، تلقینی بر ماہیت کشف ایتہمک غیر قابلدر . اثرینک خارجہ
 نظراً یونس آمرە ، شریعت آدابک ضدینی تشکیل ایدہ چک هیچ بر فکر سویلہمہ مشدر .
 زاهد و متقی بر قلبک حسلرینی نقل ایدر کبی کورینہن افادہ سنک ضمنی معناسی ، اگر
 آکلاشیلیمہ جق اولورسہ ، یونس آمرە یوکسک بر متشرع عد اولنہ بیلیر . مع مافیہ
 یونس ، دائماً بو حدود ایچندہ محصور قالہرق عشق جذبہ سیلہ ، بعضاً بولایینی ، بیلدیکی
 حقیقی ھایقیر مشدر . ایشته اصل اوکا عائد اولان طرف بودر . یونس آمرە ، عقلک
 وظیفہ سی طانیہرق ، یالکز کوکلنک بولایغہ اینام مشدر . یونس آمرە یہ کورد عقل ایله